

MAJLIS TILAWAH AL-QURAN PERINGKAT ZON TIMUR TAHUN 2019 DI PANGKALAN UDARA GONG KEDAK

airforce.mil.my/berita/berita-dari-pangkalan/4917-majlis-tilawah-al-quran-peringkat-zon-timur-tahun-2019-di-pangkalan-udara-gong-kedak

GONG KEDAK, 29 Apr 19 – Majlis Tilawah Al-Quran Peringkat Zon Timur telah diadakan di Dewan Puteri, Pangkalan Udara Gong Kedak yang bertemakan ‘Wasatiyyah Tonggak Kekuatan TUDM’.

Seramai 13 orang peserta telah bertanding yang terdiri daripada peserta dari Pangkalan Udara Gong Kedak, Pangkalan Udara Kuantan, Skn SLTT 322 TUDM Bukit Ibam dan Skn 322 TUDM Bukit Lunchu.

Di dalam majlis ini telah menyaksikan Kapt Zulhelme Alif bin Salleh TUDM dari Skn SLTT 322 TUDM Bukit Ibam telah memenangi bagi Kategori Qari Pegawai. Manakala bagi Kategori Qari LLP dimenangi oleh FSjn Mohd Jamil bin Mausin dari Skn SLTT 322 TUDM Bukit Ibam, Kategori Qariah dimenangi oleh Puan Rabiatal Adawiah Binti Che Mansor dari PU Gong Kedak dan Kategori Saudara Baru dimenangi oleh FSjn Norazeaniey Binti Meboh Abdullah. Johan keseluruhan tilawah kali ini dimenangi oleh Pangkalan Udara Kuantan.

Majlis Tilawah al-Quran diserikan lagi dengan persembahan nasyid dari Kumpulan Nasyid BAKAT Pangkalan. Majlis penutup dan penyampaian hadiah bagi Tilawah Al-Quran ini telah disempurnakan oleh Pegawai Laksana Pangkalan, Lt Kol Wan Zainal Abidin bin Wan Yaacob TUDM.

Turut hadir Pegawai Memerintah No 10 Skn, Lt Kol Muhammad Fazri bin Md Zain TUDM, Pegawai-pegawai Eksekutif, Pegawai-pegawai, Anggota LLP dan Ahli-ahli BAKAT Pangkalan Udara Gong Kedak.





